

արկիք հուր 'ի Ս. Տեղիս ձեր, և նոքա ասեն՝ քաւ լիցի մեզ առնել զայդ պիսի իրս, զի այս դէպք իմն է և պատահար . դարձեալ աղաղակեցին Յոյնք, զի եթէ դէպք էր՝ վասն է՞ ոչ աճապարեցիք շիջուցանել զհուրն կոչելով օգնութիւն յարտաքուստ, այլ կայիք 'ի վննին անհոգարար, և այլ սոցին նման բանք՝ ջանալով պարտաւոր ցուցանել զՀայս, այլ նոքա դարձեալ զնոյն բան երկրորդեցին: Կոչեաց դատաւորն զմիաբանս տաճարին երկց ազգաց և մի առ մի եհարց ցնոսա՝ թէ նախ ուստի ել հուրըն, և նոցա պատասխանի տուեալ ասեն, այս պատուհաս իմն է քրիստոնէից յԱստուածակոյս կողմանէ . բայց նախ տեսաք զի սյրէին եկեղեցին եւ խորանքն Հայոց: Եւ զի որսացեալ էին Յոյնք զԼատինս 'ի կողմն իւրեանց, և ընդ նոսա միաբանութեամբ առին զիր 'ի դատաւորէն 'ի փնաս Հայոց: Առին և Հայք բազում աշխատութեամբ եւ ծախիւք շինել զբաժին տեղիս իւրեանց, այլ Յոյնք տրօք և չարախօսութեամբ ջանային պարտաւոր ցուցանել զՀայս, և երկնէին 'ի միտս իւրեանց միայնակ շինել ըզտաճարն և արտաքսել անտի զՀայս և զհետեւակս նոցին, և նուաճել զԼատինս ընդ իշխանութեամբ իւրեանց: Զայս զգացեալ Լատինաց 'ի բաց կացին 'ի միաբանութենէ Յունաց՝ և յարեցան 'ի Հայս, և եղին պայման 'ի միջի՝ կալ մնալ սիրով և խաղաղութեամբ . դարձուցին յետս զգըրեանս զոր առեալ էին ընդ Յունաց 'ի դատաւորէն, թէ ոչ կարեմք յայտնապէս լինել զրսարտիչ ազգին Հայոց, ապա առին զիր ընդ Հայոց: Ապշեցան Յոյնք ընդ այս և ոչ համարձակէին առաքել զգրեանս 'ի Կոստանդինուպօլիս, այլ թողին առ ժամն հոգալ զամենայն ինչ անդ: Լատինք գրեցին առ ազգայինս իւրեանց և առ Դեսպանն Գաղղիոյ, հոգալ և պատրաստել զամենայն կարեւոր նիւթս 'ի կառուցումն հրկիզեալ տաճարին 'ի ձեռն թագաւորացն Եւրոպիոյ, որպէս երբեմն մեծն Կոստանդինոս . այսպէս ասէին Հայոց իրրեւ բարեկամ: Իսկ Հայք կասկածեալ 'ի նենգութենէ Յունաց՝ զի մի՛ չարիս ինչ կրեսցեն 'ի նոցանէ, խափանել զԹափօրս և զայլ արարողութիւնս եւ զհանդէս Լուսաւորութեան 'ի ծրագալուցի Զատիկին, թախանձանօք գրեցին առ Պատրիարքն և առ գլխաւորս ազ-